

中國近代沿海城市
經濟研究文獻叢刊

30



中國現代經濟出版社

中國近代沿海城市 經濟研究文獻叢刊

20



中國時代經濟出版社

《中國近代沿海城市經濟研究文獻叢刊》編委會編



◆ 中国时代经济出版社

浙江經濟紀略（二） 戰時上海經濟

I-155

I57-439

◎ 中國近代沿海城市經濟研究文獻叢刊

30

城市經濟綜合研究

浙江經濟紀略（二）

第五十三篇 開化縣

考開化。卽古之姑蔑地。秦置太末縣。屬會稽郡。宋置開化縣。元屬衢州路。明屬衢州府。清因之。民國廢府制隸省。疆域。自東至南。界連遂安常山兩縣。自南至西。界連常山暨江西之玉山德興三縣。自西至北。界連江西德興及安徽休甯婺源三縣。自北至東。界連安徽之休甯暨建德遂安三縣。東西廣二百二十里。南北袤二百三十里。周圍九百里。面積六千五百五十四方里。區域。分七鄉三十六都。田地山蕩。共佔三千二百五十頃。

浙江經濟紀略 開化縣

三八八

全境有戶三萬零二十八。有丁七萬八千三百六十七人。有口五萬四千八百七十人。業農居十分之七。工商業居百分之二五。士不過百分之五。

四面環山。無長川大河。所有溪潭。盡是沙灘積石。工業上利用者。惟築堤捍壩。設置水碓舂米。地勢。東南高而西北低。陸路交通。必須逾山過嶺。少平坦路。北如北苑山。西如苦夢山。西北如廣洞山等處。皆爲防務上險要之地。

氣候。地處高燥。寒多熱少。溫度最高九十六度。最低二十二度。濕度最高七十度。最低四十度。霜雪甚多。河水易漲易涸。故易受水旱之災。全境山多田少。田土甚鬆。足以栽種稻麥以及苞蘿等雜糧。或種蕃薯棉花。或種芝蔴苡麥。亦甚適宜。惟瘦峻之山。多石少土。不能種高大樹木。間種茶桑。尙屬相宜。

農民每年自立夏前後。以牛耕鬆其土。分秧播種。秧長成苗。耘去非類。

壅以肥料。至禾熟登場。不露積。刈而脫其穀。藏於倉箱。再種豆麥或菜蔬等物。所用農具。不外犁耙耨鋤等器。用以翻掘泥土。鐮刀稻斗用以收穫禾稼。灌溉則用戽水車。或以牛牽。或以腳踏。或以手挽。均便於用。價亦不昂。漁業器具。用網者多。亦有用鐵叉戳者。蠶業不興。間有幾家養蠶器具。亦皆舊式。竹製蠶篩木製蠶架而已。

漁獲物。惟鯽魚較多。鯉魚次之。他如白魚鱖魚等。間亦有之。因河水漲涸無定。價之貴賤。由魚之多寡爲升降。畜牧牛豕雞鴨。不過農家隨意豢養而已。

農產物。以稻麥爲最。粳穀糯穀大麥小麥苞蘆高粱豆次之。民食。年歲順成。足以自給。卽稍遇歉收。以雜糧補助之。尚可支持。佃田習慣。農民先立契約。其田種稻。或種雜糧。一經約定。卽由佃戶主持。田租於收穫後。或錢或穀。照約收給。團體。舊有縣農會及鄉農會。

浙江經濟紀略 開化縣

三九〇

工業。惟木雕工作物。精緻細巧。頗有可觀。至尋常之木工石工金工及縫紉等工。不過築造房屋。製作日用器具。至外來者。綢綾緞疋漆類陶器食鹽紹酒等物。必由他邑運入。

僱傭工人。技術間有精粗。工價或有高低。料作自備。供給飯食。工價以日計。料作由工匠置備。論件計價。不給飯食。此爲包工承辦。大則成立契約。小則限日約期。皆以目的物完全成就爲程式。不拘何工。俱不外此。

商業素不發達。全邑市鎮。祇有二處。一華埠鎮。一馬金鎮。兩鎮比較。華埠較盛。入境貨。以鹽糖布疋客貨爲多。出境貨。以茶葉杉木靛青爲大宗。商販。西南至江西德興玉山。西北至安徽婺源休甯。惟至常山一路。水道約計九十里。水運僱船。船價無定。陸運僱挑。挑力較貴。市面錢幣。銀元銅元。隨銀價之大小爲漲跌。鈔票除華埠一鎮有少數通用外。餘均

不適用。各商店購辦貨物。若非自行製造。必由別處運購。洋貨則多從省垣置辦。其餘或自衢州或自紹興甯波等處批發而來。市上交易。通用銀元銅元銅錢三項。

第五十四篇 建德縣

考建德設縣。始於吳。洎唐徙睦州治於建德。而建德遂爲首縣。宋改睦州爲嚴州軍。明初又改爲嚴州府。建德仍爲首縣。清因之。民國府制已廢。縣名仍舊。疆域。水路東至桐廬縣。以冷水坑爲界。西至淳安縣。以禽坑爲界。南至蘭溪縣。以荷花塘爲界。西南至壽昌縣。以菱塘爲界。北至分水縣。以胥嶺爲界。東南至浦江縣。以井硯嶺爲界。西至淳安縣。以洞關爲界。西北至分水縣。以峽嶺爲界。東西廣一百三十里。南北袤一百三十里。以前自治區域。分城區。東鄉泰明區。南鄉親睦區純善區。西鄉龍山區光華區。北鄉芝川區仁行區。共計八區。面積五千零二十七方里。額田

浙江經濟紀略 建德縣

三九二

十六萬三千三百八十七畝零。額地八萬四千二百六十畝零。額基八千三百八十畝零。額塘六千三百十四畝零。額山五十萬八百六十八畝零。全境有戶二萬一千四百零五。有丁六萬一千二百九十人。有口四萬六千六百二十六人。業農者約十分之六以上。業工者約十分之一不足。業商者約十分中之零五。業鑛者不過二百餘人。

山脈。北境爲黃山。南境爲仙霞嶺。黃山東入浙省。由淳安分水來。而盡於新安江之北岸。跨江而南。系屬仙霞嶺。其經流曰東陽江。東陽之水。由衢州來。衢屬山川。俱係仙霞遠脉。其環繞於浙省之西南隅。與江西分界者。皆仙霞嶺也。新安東陽兩江。會合於縣南。而水勢益盛。下流之七里瀧。兩岸皆山。江面甚窄。水流爲之束而不暢。平時尙可宣洩。一遇山水暴發。金衢徽嚴四郡之水。建瓴而下。悉屯聚於縣城左右。漲及南門雉堞。此建德切膚之痛。無可桿禦。非徒農業受損。卽城廂內外。不宜工廠

。不宜行棧。工商業之不振。亦一大原因也。

地形如水溝。西高東下。南北又若仰盂。中央最低。故百道泉源。皆匯流於新安江。東趨出境。自東至西。逐漸增高。地居衝要。表裏河山。節節可守。乃浙東之屏蔽也。

氣候。據華氏寒暑表。溫度最高九十七八度。最低三十度。冬天不甚結冰。雪亦甚少。四圍皆山。海風不到。日受山氣薰蒸。人民多濕毒之症。民間種稻甚早。收穫亦早。利用梅雨。然利之所在。害亦隨之。山水暴發。下流宣洩不及。卽泛濫爲患。田禾盡淹。迨天氣晴朗。其水一瀉千里。山土鬆疏。水分不易久含。故平疇尙不待雨。而此間早已憂旱。此水旱之災。較諸他處爲多。

田係黃壤。土質甚佳。然田僅十之二。地則土質亦不惡。山則砂礫土。最爲礪瘠。然居十之七。田種水稻。地種豆麥雜糧。山種樹木。間有茶葉。

浙江經濟紀略 建德縣

三九四

每遇發水。新安江驟增三四丈。腹內山溪。亦滿坑滿谷。低田卽成澤國。迨外江水洩。山澗亦涓滴不流。蓋地勢傾斜。高下殊絕。溪水既不適於用。所可資以灌溉者。惟湖塘是賴。其最稱天然利便者。在山泉下注之區。層層壅遏。曲爲堤防。爲此間特別優點。然爭奪鬥毆。亦由此興。每遇山泉奔放。上流隨意洩水。不免以隣爲壑。而下流怒泉源枯竭之時。壅遏不放。甚至偷挖上塍田中之水。以致糾葛紛紜。最難理論。湖塘之利。有一家私有者。有數家共有者。有官爲修築者。於田中挖一小水坑。以備旱時取水。此私有之塘。山水下注。閘而蓄之。瀦而爲湖。沿湖之田。利益均沾。此共有之湖。費出民間者爲民有。費籌於官者爲官有。然爲數無多。面積亦小。故利益未能普及。

人民注重農事。鄉紳上戶。幾於無家不耕。惟經歷太深。轉無進步。從前大難初平。人丁稀少。但求種植及時。卽可天然收穫。各持廣種薄收主義。

。不用肥料。至今亦然。卽間或用之。亦不過厩肥腐草。至農具均係舊式。如耜鑿犁耙扒抄水車風車稻桶篾簞等物。價值不等。蠶桑素不講求。現在縣署左右兩旁。修築模範桑園一區。並創辦蠶業傳習所。以資提倡。官荒山有二十餘萬畝。並無商人承墾。城內創辦苗圃一處。計三十畝。北鄉設苗圃一處。計三十畝。模範森林。設在城北烏龍山。植茶方法。各鄉尙能研究。近年所穫茶利頗巨。種植之處。逐漸推廣。七里瀧產魚。鱖魚。鮠魚。最爲著名。有漁戶常川採捕。瀧轄於桐廬者六。轄於建德者四。所產之魚。亦銷於桐廬者爲多。因下水甚捷。便於入市。若溯流而至建德。總須半日。天熱時。已不甚新鮮。此天然之利。無待蓄養者也。近城所產者。東西湖爲多。間有來自四鄉池塘者。爲數不多。漁具用網罟。隨捕隨銷。絕無販運出境。亦無醃漬出售。至畜牧。農家餵養少數牛隻。藉用耕作。飼羊甚少。因市上不售羊肉。銷路無多也。

浙江經濟紀略 建德縣

三九六

農產物。如糯穀秈穀粟玉蜀黍大麥小麥苕麥青豆黃豆綠豆赤豆馬料豆蠶豆豌豆油麻等物。本邑糧食。向例不准出境。即以本地所產之糧。養本地人民。豐歉統計。羨補不足。數目相當。

農田。向有大租小租及歸戶之區別。大租指業主而言。錢糧由業主自完者。每畝歲納租穀一石。由佃戶完者。歲納租穀三斗或五斗不等。小租指佃主而言。每畝歲納租穀一石。歸戶指大小租合併而言。每畝歲納租穀一石四斗或二斗不等。蟲害以殺蟲劑除之。或用排水法治之。水害則大水暴漲。無法可治。團體舊有縣農會及北區西區鄉農會。

商業。向不發達。現在城廂內外。大小商店。一百二十餘家。鄉市亦有數處。小或三四家。多亦不過二十餘家。日市甚微。商家不敷開支。各兼耕作。其地點東鄉曰東關三都。西鄉曰洋溪。南鄉曰三河大洋。北鄉曰乾潭安仁。入境貨。以洋油土布洋布愛國布紹酒湖屏紙毛六紙燒酒紅白糖估衣

菸草燧爆等爲大宗。出境貨。以油蔴黃豆青豆馬料豆茶葉杉木油菜青油皮油樺樹菓青蒿半夏松板靛青松段雜木柴炭桐油蔴油棕山植五倍子皮紙煤灰爲大宗。至經過者。以徽州之木及茶兩項爲多。

商販運來之貨。由富陽桐廬來者爲多。由蘭谿徽州來者少。運去之貨。均販至杭州甯紹而止。運價不一。市面銀幣與鈔幣通用。惟鈔票祇用中國銀行之浙江票。外省不用。銀元銀角銅元。隨時價漲落。商家向無行棧。陸續收屯土貨。以待客商之交換。大宗土產。其權利不在本地商人之手。如茶葉木料油蠟。或由出貨之家。自運銷售。或由京蘇客商。到山收買。本地商人。無收屯焙製之所。可見商力之薄弱矣。

鑛業。一前經探採者。東鄉楊家莊大塢山村。有小石鑛一區。係產青石。曾經開採。旋即禁止。二現在探採者。西鄉東銅官埠。有白煤鑛一處。現已開工探挖。三未經探採者。共有四處。一在西小洋莊銅山塢。係銅鉛硫

石鑛。一在西小洋莊陳家塢。係銅鉛硫石鑛。一在西小洋莊下黃山。係五金煤石鑛。一在嶺子塢。係銅鉛硫石鑛。

第五十五篇 淳安縣

考淳安。漢隸丹陽郡。吳析爲新都郡。晉爲新安郡。隋廢新安。設遂安郡。宋改淳化。屬嚴州。紹興初。改淳安。元明清至今因之。疆域。東界建德桐官嶺。西界遂安楊嶺。南界遂安安礪嶺。北界昌化銅坑菴獨石。東南界壽昌遼嶺。東北界分水塔嶺。西北界安徽歙縣深渡。東西廣一百七十里。南北袤一百五十里。從前自治區域。分城區梓桐鄉威坪鎮方新鄉臨岐鎮安樂鄉進達鄉清福鄉龍山鄉仁壽鄉。共計十區。面積八千六百五十二方里。計四百六十七萬畝。其中平地佔千分之七十三。山地佔千分之九百二十二。道路佔千分之二。河湖佔千分之二。沙塗不及千分之一。有稅地面積僅六十一萬六千餘畝。其中田佔百分之三十三。地佔百分之二十五。山佔